



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Sanela Klarić

Zastupnica u Skupštini Kantona Sarajevo
Sarajevo, 25.1.2023.

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Predsjedavajući g. Elvedin Okerić

Uputiti:

Ministarstvo privrede Kantona Sarajevo
Kantonalna uprava za inspeksijske poslove

PREDMET: ZASTUPNIČKA INICIJATIVA

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 41/12, 15/13, 47/13, 47/15, 48/16, 9/20, 14/20 i 16/22), upućujem inicijativu Kantonalnoj upravi za inspeksijske poslove kojom tražim da se **hitno izmijeni Pravilnik o unutrašnjoj organizaciji Kantonalne uprave za inspeksijske poslove te da se izvrši hitno upošljavanje poljoprivrednih inspektora.**

OBRAZLOŽENJE:

Neophodno je izvršiti hitne izmjene člana 20. stava (9) Pravilnika o unutrašnjoj organizaciji Kantonalne uprave za inspeksijske poslove i to na način da se poveća broj izvršilaca na mjestu kantonalnih poljoprivrednih inspektora sa 3 na 4. Također, neophodno je specificirati da barem dvoje od četvero poljoprivrednih inspektora bude smjera stočarstvo, zootehnika, odnosno općeg smjera. Uzimajući u obzir da je trenutno u Kantonalnoj upravi za inspeksijske poslove zaposleno samo dvoje inspektora, nakon izmjene Pravilnika bit će neophodno hitno uposliti još dvoje poljoprivrednih inspektora. Uz to, u članu 20. stav (3) istog Pravilnika kojim se definišu uslovi za vršenje posla, potrebno je izbaciti riječi "ili prirodno-matematički fakultet odsjek hemija" obzirom da navedena stručna sprema nije adekvatna za obavljanje poslova kantonalnog poljoprivrednog inspektora.

Inspeksijske poslove službenih kontrola u poljoprivredi obavlja Poljoprivredna inspekcija u području: poljoprivrednog zemljišta, stočarstva, prometa sjemena i sadnog materijala, kontrole prometa mineralnih đubriva, kontrole novčanih podrški u poljoprivredi (federalni i kantonalni) i slično. S tim u vezi, neophodno je da se osigura zakonito, stručno, učinkovito i racionalno sistematizovanje, te izvršavanje poslova svakog radnog mjesta odnosno svih poslova iz djelokruga poljoprivrede u kojoj imaju različite podoblasti poput: biljne

proizvodnje, voćarstva/vinogradarstva, stočarstva/zootehnike ili tehnologije poljoprivrednih proizvoda.

U dosadašnjoj praksi zbog obimnosti posla iz propisa koji uređuju poljoprivrednu oblast, kako u Kantonu Sarajevo, tako i u drugim kantonima, postalo je evidentno da je predviđen mali broj izvršilaca koji ne mogu zbog obimnosti posla da kontrolišu sve oblasti koje bi trebali, jer se radi o jako velikom broju zakonskih i podzakonskih akata.

Obzirom da su kantonalni poljoprivredni inspektori nadležni za kontrolu dodjele novčanih podsticaja (kantonalnih i federalnih), a kako se radi o stotinama miliona KM na godišnjem nivou, neophodno je da se ovaj inspektorat kadrovski ojača sa većim brojem inspektora. Primjera radi, u toku 2021. godine od 1220 zaprimljena i obrađena predmeta za federalnu novčanu podršku, od strane Ministarstva privrede Kantona Sarajevo, inspektori su izvršili nadzor nad 153 zahtjeva i od 2.574 zahtjeva za kantonalni novčani podsticaj od strane inspektora izvršene su 302 kontrole. Iz ovog se jasno vidi da je troje inspektora, koliko ih je bilo u 2021. godini izvršilo samo 12% kontrola novčanih podrški. Obzirom da je jedan od inspektora otišao u penziju, pretpostavka je da je u 2022. godini broj inspekcijских kontrola dosta manji obzirom na smanjen broj uposlenih.

U dosadašnjoj praksi rada Poljoprivredne inspekcije u pojedinim lex specialis zakonskim i podzakonskim propisima je decidno utvrđeno koji smjer može vršiti nadzor nad primjenom istih. Takav primjer je Zakon o stočarstvu ("Službene novine FBiH", br.66/13) i podzakonski akti koji su doneseni na osnovu pomenutog zakona, gdje je jasno definisano da nadzor vrši poljoprivredni inspektor smjera stočarstvo, zootehnika, odnosno općeg smjera, a isti nisu uposleni u Kantonalnoj upravi za inspekcijske poslove. Zbog ove činjenice, Kantonalna uprava za inspekcijske poslove ne može u potpunost izvršavati svoje obaveze te se prijave koje dolaze iz ove oblasti ne mogu adekvatno inspekcijски istražiti.

Molim vas da u saradnji sa Vladom Kantona Sarajevo u što kraćem roku pokrenete proces čiji će rezultat biti povećanje broj inspektora na terenu, angažovanje inspektora adekvatnog smjera i bolja kontrola na terenu.

S poštovanjem



Sanela Klarić